

Upravljanje novcem

Ukrotite svoje lične finansije

Nabrajanje prihoda i rashoda osnova je svakog budžetiranja, ali s obzirom da živimo u vremenima u kojima se živi na dŭg i troši više nego se ima, teško je uopće procijeniti koliki je zapravo tekući, a koliki realni deficit naših novčanika.

Jedna iskusna domaćica u godinama kazala je svojevremeno da je njezino budžetiranje izgledalo tako da je plaću koju je njezin suprug donosio kući dijelila u 30 koverata, ali tek nakon što bi odvojila 20 posto novca za štednju. Svaki dan bi potrošila novac iz jedne od koverti. Ako bi joj nedostajalo novca do kraja bi mjeseca posegnula u štednju, a ako bi se izdaci pokrili novcem iz koverti uštedeni novac investirala bi u neku skuplju kućnu potrepštinu.

Teško da će se moderna kućanica moći poslužiti trikom iz davnih vremena, jer danas uz minuse, obročnu otplatu, gotovinske, namjenske, stambene i automobilske kredite, kućni budžet građana nije više tako lako voditi - gotovo da bi nam trebao i angažman profesionalnog knjigovođe.

Upravo zato što je budžetiranje postalo znatno složenije, a iskustvo i znanje potrošača na nivou domaćice koju smo spomenuli na početku, kao gljive poslije kiše niču konzultantski programi za održivo poslovanje pojedinca.

Mi u Partneru smo već odavno kreirali jednostavan alat koji može pomoći u praćenju kućnog budžeta. Ovaj kalkulator kućnog budžeta, prati mjesečne izdatke koji su podijeljeni po kategorijama: režije, prehrana, kućne potrepštine, odjeća i obuća, prijevoz, zdravlje, krediti i dugovi, štednja i ostalo. Korisnik može dodavati po svom izboru troškove koje ima njegovo domaćinstvo i upisati ih u tabelu. Na isti način se evidentiraju i sva mjesečna primanja domaćinstva, i kada se od njih oduzmu evidentirani izdaci, korisnik ovog kalkulatora može na jednostavan način saznati stanje svog kućnog budžeta.

Kalkulator kućnog budžeta se nalazi na Partnerovoj Internet stranici, u rubrici Finansijska edukacija:

<https://www.partner.ba/finansijska-edukacija>

Za suočavanje s finansijskom pozicijom dovoljno je imati olovku i papir, ali ovakvi planeri pomažu preskočiti nekoliko stepenica u nastojanju da se privolite pogledati istini u oči.

Izvor: www.finansijskoznanje.ba